

Ўзмджтә кӧдлдг саальч

Каспийск района «Вторая пятилетка» колхозин саалин ўкрин фермд кесг баахн кўўкд кӧдлджӧцхӧнӧ. Теднӧ тоод комсомолин член Михина Тамара Николаевна ўлгўрлм, сӧн кӧдлмштӧ.

Колхозин правлень Тамара кўўкнд саалин 15 ўкр саадж хӧлӧтхӧ гидж даалгъла. Эн кӧдлмш Тамарад ик тааста болв. Тегӧд чигн эн кўўкн тўрўн ӧдрӧсн авн кўндтӧ даалгъвран магаснь ӧмн кўцӧхӧр зўткдж кӧдлджӧнӧ.

Эн джилӧ нӧӧмн сарин эргцд Тамаран хӧлӧджӧсн ўкр болгънас 1044 литр ўсн саадв, сентябрь сарин 10-н кўртл болхла, ўкр болгънас 1105 литр ўсн сааддж авгдв, джилӧ зурагъар 1100 литр ўс ўкр болгънас авх бӧӧсмн.

Ўр Тамара Михина нўўрт йовгч саальч болсн деерӧн, талдан чигн олн зўсн кӧдлмш

кедж кўцӧнӧ. Ода эн кўўкн цуг саальчнран дахулдж, ўвлд белдлгънӧ кӧдлмшт шундж орлцдж йовна.

Малин хаша-хаацс, ӧмтн бӧӧх гермўд болн шин тосхгдсн кошармуд эдн шалддж дуусджана. Силос дарлгънд басорлцдж, тасрхан уга кӧдлнӧ. Тегӧд чигн Тамаран кӧдлджӧх комсомольск-багъчудин бригад олн малчнр дундан ик тоомсрта бригад болдж тоолгдна.

Бӧрсн диилврӧн улм икдўлдж холвдж, октябрь сард болх Хальмг республикин Деед Советин сунъгъвриг болн Ленинск комсомолин 40 джилин ӧӧниг ончта кевӧр тосхар зўткдж, колхозин малмудт сӧн ўвлзлгъ ӧкхӧр эн багъчудин бригад чидлӧн нӧл уга кӧдлдж йовна.

А. МИХАЙЛОВ.